

結四無滯帶緣係事例未敢擅便具題次日奉
聖旨是欽此

各處沿邊沿海旗軍舍余并邊民雜犯死罪竊盜擄摸
搶奪盜家畜犯該徒流罪者俱准杖一百在摠兵官查撥守
哨如截殺等不在就行彼處巡撫巡按或分巡官查撥例
成化十七年九月十七日都察院右都御史戴 等

題為便益獄囚事山西道呈刑科抄出巡按直隸監察御史
楊純奏據山西行都司經歷司呈照得本部司斷事司日逐
間擬旗軍舍余邊民除真犯死罪外其雜犯死罪并竊盜
擄摸搶奪盜官畜產犯該徒流罪者俱照見行事例決杖一
百轉呈摠兵官處定撥缺人墩堡守哨本司仍將各犯監候
摠兵官行文至日發遣近年大同地方連賊犯邊摠兵官前
路截殺必待地方寧靜方終回還少則半月多則一月雖經移
文前去奈何往來程途寫遠以改前項囚徒淹禁人唯
鄙呈本司轉達巡按等官未蒙定奪等因行間萬全

都司經歷司并直隸陸處保安二州亦呈前事合無通行天下問刑衙門今後問擬沿海旗軍舍余邊民雜犯死罪并竊盜掏摸搶奪盜官畜產犯該徒流罪者仍決杖一百不必拘於前例或呈摠兵官或呈巡撫巡按分巡官查撥缺人墩臺守哨庶不淹禁人難等因具本該通政使司官奏奉聖旨是都察院知道欽此欽遵抄出到道行准兵部職方清吏司手本開查得在京法司問擬邊衛守哨軍舍余丁俱送本部轉發本處摠兵等官處撥發守哨其在外衙門問擬沿海海療哨軍民人等無憑查報等因回報前來查無別項奏行事例具呈到院看得巡按直隸監察御史楊純奏稱要將問擬邊方旗軍舍余邊民犯該雜犯死罪并徒派罪者照例決杖一百或呈摠兵官或呈巡按分守官徑自查撥守哨庶不淹禁一節臣等切詳大同等處

沿邊沿海地方俱按屬臨外境摠兵官時常往來提備截殺若將問擬前項徒罪囚犯一繫駐候摠兵官查撥守哨委的淹禁人難合無准其所言通行內外問刑衙門今後問擬各犯沿邊沿海旗軍舍余并邊民雜犯死罪竊盜掏摸搶奪盜官畜產犯該徒流罪者俱照例決杖一百若摠兵官見在仍送摠兵官處查撥缺人墩臺死罪五年徒罪照徒年限守哨滿日踈放施行摠兵官截殺等項不在就行本處巡撫都御史巡按御史或按察司分巡官一体查辦守哨仍行摠兵官處知會以便查考緣係事例及奉

欽依都察院知道事理未敢擅便具題
聖旨是欽此

南京刑部都察院問過囚犯送南京戶部納米